

Wiele kokotów...

Różniczasu jedna modo babeczka przekludziła się na wiyś (takō mōlda na eko, slow food, slow leif i take tam duperzwance) i uzdała, co zorganizyruje u się chowanie (chodowla) kurów. Nō i nōjsōmpiyrw spytała sōmsiōda wiele mo się lajstnōńć „niosek” coby stykło dło cōłkij familiji.

– Muszōm łōni paniczko sprawić się 15 kurzicōw (tych niosek) i ku tymu jednego kokota.

Po pōruch dnioszkach sōmsiōd nawiędzył ta baba i uwidziōł, co wele kōždyj kury belōntajōm się kokoty.

– A wiele łōni się paniczko sprawiyli tych kokotów?

– Nō, tela wiele kurzicōw! – łodrzyko baba.

– Nale po jakiymu, po jakiego dioska? Przecamć styknłby sam ino jedyn kokot, nō, można dwa.

Na to baba łozgukanōm, snerwowanōm sztimōm:

– To wōm się panoczku ino tak zdo! Mōcie panoczku znomiynny chopski pōnkt widzyniō!